


ჩვენი გაზეთი იუბილარია, 90 წლის წინ, 1933 წლის 2 აპრილს დაარსდა გაზეთების: „თერჯოლის“, „წინსვლის“ და „საკოლმეურნეო სოფლის“ წინამორბედი, გაზეთი „ჩხარის კოლმეურნე“.

90 წელი თქვენთან ერთად!



„არს მთის კალთას, სკანდას, სასახლე მეფეთა და ციხე დიდი, დიდშენი“
მასშობი პაბრატიონი

თერჯოლა

Facebook გაზეთი თერჯოლა
www.nplg.gov.ge
www.terjola.gov.ge

საზოგადოებრივი გაზეთი • გამოდის 1933 წლიდან • №18 (7095) 18 სექტემბერი 2023 წელი

გილოცავთ ახალი სასწავლო წლის დაწყებას!

15 სექტემბერს საქართველოს სკოლებში ახალი სასწავლო წელი დაიწყო...

თერჯოლის მუნიციპალიტეტის მერმა, მანუჩარ რობაქიძემ, საკრებულოს თავმჯდომარის მოადგილესთან, დავით გოგბერაშვილთან და საგანმანათლებლო რესურსცენტრის ხელმძღვანელთან, ქეთევან შეყრილაძესთან ერთად სოფელ ბარდუბნის ახლად რეაბილიტირებული საჯარო სკოლა ადგილზე დაათვალიერა და საზეიმო განწყობას შეუერთდა.

სასკოლო ღონისძიებას ასევე ბარდუბნისა და ენრის მაჟორიტარ დეპუტატი, გოჩა ვერულაშვილი და ადგილობრივი თვითმმართველობის წარმომადგენლები ესწრებოდნენ. ხელმძღვანელმა პირებმა პე-

დაგოგებს, მოსწავლეებსა და მშობლებს ახალი სასწავლო წლის დაწყება მიულოცეს და წარმატებული საქმიანობა უსურვეს.

ცენტრალური ბიუჯეტის დაფინანსებით, ბარდუბნის საჯარო სკოლაში შიდა ინტერიერი და სპორტული დარბაზი მოეწყო, ასევე დამონტაჟდა ცენტრალური გათბობის სისტემა.

იმავ დღესვე, მერის ინიციატივით, ღვანკითის საჯარო სკოლის პედაგოგს, ეთერ ტურავას, „საქართველოს დამსახურებული მასწავლებლის“ ჯილდო გადაეცა. ეთერ ტურავა 1986 წლიდან აქტიურად ჩაერთო საგანმანათლებლო საქმიანობაში და ღვანკითის საჯარო სკოლაში ჩვეული ენერგიითა და პროფესიონალიზმით ემსახურება საყვარელ საქმეს.



აქვე შეგახსენებთ, რომ განათლების ხელშეწყობის მიზნით, თერჯოლის მუნიციპალიტეტის მერის, მანუჩარ რობაქიძის ინიციატივით, სტუდენტებს, რომლებმაც 2023 წლის ერთიანი ეროვნული გამოცდების შედეგების მიხედვით სახელმწიფო გრანტი მოიპოვეს ფულად ჯილდო გადაეცემა.



დიდი პატივისცემით მინდა თითოეულ მასწავლებელს მივულოცო 2023-2024 სასწავლო წელი, თითოეულ მოსწავლეს კი ვუსურვებ ნაყოფიერი და შინაარსიანი სწავლით მიაღწიონ წარმატებებს.

ძალიან ბედნიერი ვარ დღეს თქვენთან ერთად, ვისურვებდი მომავალ წლებში ბევრი პირველკლასელი და მეტი მომავალი თაობები აღზრდილიყვნ ბარდუბნის საჯარო სკოლაში.

მანუჩარ რობაქიძე,
15 სექტემბერი, 2023 წელი

თერჯოლის ვითმმართველობის საჩუქარი გრანტოსან პირველკურსელებს

თერჯოლის მუნიციპალიტეტში, მუნიციპალიტეტის მერიისა და საკრებულოს თაოსნობით ჯერ კიდევ 2018 წლიდან მოქმედებს წესი, რომელიც ითვალისწინებს მუნიციპალიტეტის წარმატებული სპორტსმენისა და წარმატებული მწვრთნელის, ოქროსა და ვერცხლის მედალოსანი სკოლის მოსწავლეების—წარმატებული ახალგაზრდების დაჯილდოებისა და ახალგაზრდული ინიციატივის დაფინანსებას (თერჯოლის მუნიციპალიტეტის საკრებულოს 2018 წლის 7 ნოემბრის №44 დადგენილება).

ამ განკარგულებაში ახლახანს, მუნიციპალიტეტის მერის ინიციატივით შევიდა ცვლილება, რომელიც ივალისწინებს სახელმწიფო გრანტოსან სტუდენტთა დაჯილდოებას. შესაბამისად, საკრებულოს გადაწყვეტილებაში გაკეთდა შემდეგი ახალი ჩანაწერი:

1. სახელმწიფო სასწავლო გრანტის მფლობელი

სტუდენტის ფულადი ჯილდოს ოდენობა განისაზღვრება შემდეგი სახით:

- ა) 100%-იანი სასწავლო გრანტის მფლობელი სტუდენტი—500 ლარი.
- ბ) 70%-იანი სასწავლო გრანტის მფლობელი სტუდენტი 400 ლარი.
- გ) 50%-იანი სასწავლო გრანტის მფლობელი სტუდენტი 300 ლარი.

2. ამ მუხლის 1-ლი პუნქტით გათვალისწინებული ფულადი ჯილდოს მიღების მიზნით თერჯოლის მუნიციპალიტეტის მერიაში წარდგენილი უნდა იქნეს:

- ა) სახელმწიფო სასწავლო გრანტის მფლობელი სტუდენტის წერილობითი განცხადება.
- ბ) პირადობის დამადასტურებელი დოკუმენტი.
- გ) ანგარიშის ნომრის ამონაწერი საბანკო დანუსებულებიდან.
- დ) საქართველოს კანონმდებლობის შესაბამისად, სახელმწიფო სასწავლო გრანტის მიღების დამადასტურებელი დოკუმენტი.

ჯილდო მაქსიმალური საბამოცდო ქულეზისათვის

საქართველოს პარლამენტში მაჟორიტარმა დეპუტატმა ბეჟან ნაქაძემ, თერჯოლის მუნიციპალიტეტის მერთან, მანუჩარ რობაქიძესთან ერთად, ერთიანი ეროვნული გამოცდების ფარგლებში, მაქსიმალური ქულების მქონე სამი სტუდენტი ფულადი პრიზებით დააჯილდოვა.

სიხარულია, როდესაც თერჯოლაში ასეთი გონიერი და მიზანდასახული ახალგაზრდები არიან. მიმდინარე წელს, მუნი-



ლონისძიებას საკრებულოს თავმჯდომარის მოადგილე ჯემალ ისაკაძე, საგანმანათლებლო რესურსცენტრის ხელმძღვანელი ქეთევან შეყრილაძე, ასევე დეპუტატის ბიუროს წარმომადგენლები: ბონდო სოფრომაძე, ზვიად გვადიბაძე და მალხაზი ლოლაძე ესწრებოდნენ.

ციპალიტეტში ერთიანი ეროვნული გამოცდების შედეგების მიხედვით, 52 გრანტიანი სტუდენტი გვყავს. გადაწყვეტილი თითოეულ მათგანს ფულადი ჯილდო გადაეცემა. მერიის განათლების, კულტურის, სპორტისა და ახალგაზრდულ საქმეთა სამსახურის ორგანიზებით, უკვე დაწყებულია წარმატებულ სტუდენტთა საბუთების მიღება, ასევე მაქვს სურვილი და გამოვხატავ მზაობას პირადად შევხვედ და



მატება მიულოცეს და სამომავლოდ მხარდაჭერას დაჰპირდნენ.

მანუჩარ რობაქიძე: „განსაკუთრებულად საამაყო და სა-

გავიზიარო მათი სიხარული და წარმატება. აქვე, მინდა მადლობა გადავუხადო თითოეულ მშობელსა და მასწავლებელს განუული შრომისთვის.“

ახალგაზრდები საქართველოს მომავლიდან 8

27 ოქტომბერი – მასწავლებლის ეროვნული დღე

ახლახანს, საქართველოს განათლებისა და მეცნიერების სამინისტროს ინიციატივით დაწესდა მასწავლებლის ეროვნული დღე.

2

ამბები თერჯოლის მუნიციპალიტეტიდან...

ახალი სახლები სოციალურად დაინტერესებულ ოჯახებს

აქტიურ ფაზაშია თერჯოლის მუნიციპალიტეტში სოციალურად შეჭირვებული ათი ოჯახისათვის სახლების მშენებლობა.

მუნიციპალიტეტის მერი, მანუჩარ რობაქიძე, საკრებულოს თავმჯდომარის მოადგილეებთან, დავით გოგბერაშვილთან და ჯემალ ისაკაძესთან ერთად, სოფელ ალისუბანში, თავასასა და ძვერში იმყოფებოდა, სადაც დასრულებული სახლები დაათვალიერა და ბენეფიციარებს გაესაუბრა.

ამ დროისათვის დასრულებულია 5

ბენეფიციარის საცხოვრებელი სახლის მშენებლობა, პროცესი გრძელდება და უახლოეს დღეებში კიდევ ხუთი სახლი აშენდება. მუნიციპალიტეტის მერიის „სახლდაზიანების პროგრამის“ ფარგლებში, საერთო ჯამში, საცხოვრებელი სახლით 29 ოჯახი იქნება უზრუნველყოფილი.

სამუშაო შეხვედრას, ალისუბანის მაჟორიტარი დეპუტატი, ბადრი ბუცხრიკიძე ასევე ადგილობრივი თვითმმართველობის სხვა წარმომადგენლები ესწრებოდნენ.



27 ოქტომბერი – მასწავლებლის ეროვნული დღე

მასწავლებლის ეროვნული დღე ყოველი წლის 27 ოქტომბერს – ქართველი პედაგოგის, საქართველოში მეცნიერული პედაგოგიის ფუძემდებლის, პუბლიცისტის, საბავშვო მწერლისა და საზოგადო მოღვაწის იაკობ გოგებაშვილის დაბადების დღეს აღინიშნება.

ამასთან, აღნიშნულ თარიღთან დაკავშირებით ყოველწლიურად, საზოგადოებისა და განათლების სისტემის განვითარებაში შეტანილი განსაკუთრებული წვლილისთვის, ღვაწლმოსილ პედაგოგებს გადაეცემა მასწავლებლის ეროვნული პრემია – სპეციალურად შექმნილი

სამკერდე ნიშანი და ფულადი ჯილდო 10 000 ლარის ოდენობით.

ინიციატივის ფარგლებში, განათლებისა და მეცნიერების სამინისტროს მიერ დადგენილი კრიტერიუმების შესაბამისად, შეიკრიბება იმ მასწავლებელთა ისტორიები, რომლებსაც სხვადასხვა მიმართულებით განსაკუთრებული წვლილი შეაქვთ მოსწავლეების, სასკოლო საზოგადოებისა, თუ თემის განვითარებაში. ამის შემდეგ სპეციალურად დაკომპლექტებული კომისია, რომელშიც გაერთიანებული იქნებიან ცნობილი სახეები სხვადასხვა სფეროდან, გამოავლენს წლის საუკეთესო მასწავლებლებს.

ანსამბლ „ფორტეს“ შემოქმედებითი საღამო თერჯოლაში

ამ ღონისძიებას თერჯოლის მუნიციპალიტეტის მრავალი მაცხოვრებელი და მონვეული სტუმარი ესწრებოდა.

ანსამბლი „ფორტე“ მსმენელის წინაშე ყველასათვის საყვარელი და პოპულარული სიმღერებით წარსდგა. ემოციებით დატვირთული საღამო მსმენელთა დიდი მონონებითა და აპლოდისმენტებით დასრულდა.

მუნიციპალიტეტის მერმა, მანუჩარ რობაქიძემ ღონისძიების ორგანიზატორებსა და სპონსორებს, ასევე მონაწილეებს მადლობა გადაუხადა და სამომავლოდ წარმატებული საქმიანობა უსურვა.

აღნიშნული კონცერტი თერჯოლის მუნიციპალიტეტის მერიის ორგანიზებითა და მუნიციპალიტეტში მცხოვრები ბიზნესმენის, ავთო კოჩაძის ფინანსური მხარდაჭერით გაიმართა.



ქეთევან შიყრილაძე: „ვფიქრობთ, რომ ახალი სასწავლო წელი კვლავაც არაერთ წარმატებას და გამარჯვებას მოგვიტანს“

უფლის ნებით, 15 სექტემბერს კიდევ ერთი სასწავლო წლის დაწყების მარაგად და მზადყოფნაშია მუნიციპალიტეტის სკოლების მერხებს 3585 მოსწავლე მოუწედა. აქედან 295 პირველკლასელია.

ამ დღისთვის მზადება კარგახნის წინ დანისყო...

ემზადებოდნენ სამინისტროები...
ემზადებოდა ჩვენი მუნიციპალიტეტი...
ემზადებოდნენ სკოლები...
მშობლები, მოსწავლეები და მასწავლებლები...



მთავარი სიახლე საგანმანათლებლო დაწესებულებების ავტორიზაციაა.

ავტორიზაცია არის განათლების ხარისხის უზრუნველყოფის გარე მექანიზმი, რომლის მიზანია დაწესებულების ინსტიტუციური შეფასება, მისი ავტორიზაციის სტანდარტებთან შესაბამისობის დადგენა და შესაბამისი რეკომენდაციების გაცემა დაწესებულებაში დაიდენფიციირებული გამოწვევების გადასაჭრელად. საავტორიზაციო შეფასება ხორციელდება ავტორიზაციის ექსპერტთა ჯგუფის მიერ და ეფუძნება დაწესებულების თვითშეფასებითა და საავტორიზაციო ვიზიტის შედეგად მიღებული ინფორმაციის ანალიზს.

ამ პროცესში ჩვენი მუნიციპალიტეტიდან ამ ეტაპზე 4 სკოლაა ჩართული: სიქთარვის, ჩხარის №2 რუფოთისა და ჩხარის №1 საჯარო სკოლები. მათგან სამში უკვე იმყოფებოდა ავტორიზაციის ექსპერტთა ჯგუფი, ოქტომბრის დასაწყისში მათ უკვე ჩხარის №1 სკოლაშიც ვიზილავთ.

ავტორიზაცია უკვე წარმატებით გაიარა კერძო სკოლაში „მზეკაბანი 2007“ და თერჯოლის №2 საჯარო სკოლაში.

- 100% გრანტით - 9
- 70% გრანტით - 11
- 50% გრანტით - 32

სწავლას და განათლებას ჩვენს მუნიციპალიტეტში ყოველთვის ჰქონდა მხარდაჭერა და აღიარება. უკვე წლებია, მედალოსან კურსდამთავრებულებს ფულადი საჩუქარი გადაეცემა. წელს კი ჩვენს წარმატებულ, გრანტოსნებს მერმა, ბატონმა მანუჩარ რობაქიძემ განსაკუთრებული სიურპრიზი მოუწყო. 100% - იანი გრანტის მფლობელები - 500 ლარით, 70% - იანი 400, ხოლო 50% - იანები 300 ლარით დასაჩუქრდებიან.

თავისი მხარდაჭერა და ყურადღება მაქსიმალურქულიანი აბიტურიენტების მიმართ გამოხატა მუნიციპალიტეტის მაჟორიტარმა დეპუტატმა, ბატონმა ბეჟან ნაქაძემ, რომელიც პირადად შეხვდა სამივე სტუდენტს და სოლიდური ფულადი ჯილდო გადასცა მათ.

ჩვენი მოსწავლე - ახალგაზრდობის ესოდენ წარმატებულ სწავლა-განათლების საქმეს 537 მასწავლებელი ემსახურება, რომელთაგან 17 მენტორია, 169 - ნამყვანი, დანარჩენი კი - უფროსი.

სკოლების ავტორიზაციისათვის ერთერთი მთავარი პირობა სკოლის ინფრასტრუქტურული მდგომარეობაა. სამწუხაროდ, ეს პროცესები წელს მიმდინარეობს. დღედეღე ველოდებით სიახლეებს თერჯოლის №1 და ღვანეთის საჯარო სკოლებისათვის. ალტერნატიულ ფართში სულ მალე კიდევ ერთ, ზედა სიმონეთის საჯარო სკოლას მოუწევს გადასვლა, სადაც რემონტი საჯაროდ დაიწყო, ოქტომბრიდან უნდა დაიწყოს.

სკოლებს უკვე მიღებული აქვთ სასკოლო სახელმძღვანელოები და პირველკლასელებისათვის გადასაცემი ბუკები.

ახალი სასწავლო წელი გვირდებოდა, რომ საინტერესო იქნება, მანამდე კი გასულს გადავავლოთ თვალი.

საბაზო საფეხური წარმატებით დაასრულა და საჩუქრად ლეპტოპი დაიმახსურა 55 მოსწავლემ.

სკოლის საშუალო საფეხური სხვადასხვა წარმატებით 313 ახალგაზრდამ დაძლია. აქედან, 74 მედალოსანია.

ერთიან ეროვნულ გამოცდებზე დარეგისტრირებული ითქმის ყველა კურსდამთავრებული, სტუდენტი გახდა.

მათ შორის 52 გრანტის მფლობელია:

სასიხარულოა, რომ წელს კიდევ ერთ პედაგოგს, ქალბატონ ეთერ ტურავას, მიენიჭა საქართველოს დამსახურებული მასწავლებლის წოდება, გადაეცა სიგელი, სამკურდე ნიშანი და ფულადი ჯილდო.

საგანმანათლებლო რესურსცენტრის მიერ განხორციელებული პროექტიც, „ჩონგური საქართველო“, გასულმა სასწავლო წელმა მიითვალა. დანერგებით მასზე აქ აღარ შეეჩერდებით, უბრალოდ ვიტყვი, რომ სამომავლოდ „საზღვრები“ უფრო გავშაღეთ და ახალი პროექტით, „დედამინა ჩვენი სახლია“ - წარვსდგებით სასკოლო საზოგადოების (და არა მარტო) წინაშე.

საგანმანათლებლო რესურსცენტრი სრულიად სასკოლო საზოგადოებას კიდევ ერთხელ გილოცავთ ახალ სასწავლო წელს, რომელიც, ვფიქრობთ, რომ კვლავაც არაერთ წარმატებას და გამარჯვებას მოგვიტანს.

სასექტემბრო ზარები

წელს სიქთარვის საჯარო სკოლაში 120 მოსწავლისათვის დაირეკა სექტემბრის ზარი. 7 პირველკლასელი პირველად მიუხსნა მერხს. სკოლის დირექტორმა ია კვატაიამ ახალი სასწავლო წლის დაწყება მიულოცა მოსწავლეებს, მშობლებს, განსაკუთრებით პირველკლასელებს, ისაუბრა განვლილი სასწავლო წლის შედეგებზე, ჰყავდათ 10 კურსდამთავრებული, შეიძინა აბიტურიენტი იყო და შეიძინა ჩაირიცხა სხვადასხვა უმაღლეს სასწავლებელში. პირველკლასელებს გადაეცათ პირადი კომპიუტერები და ნივნები.

საქართველოს ჰიმნის ფონზე აღმართეს ეროვნული დროშა.

თერჯოლის №2 საჯარო სკოლაში 453 მოსწავლე ისწავლის, მათ შორის 45 პირველკლასელი. სკოლის დირექტორი რუსუდან უსუფაშვილი მიესალმა მოსწავლეებს,

ამბები თერჯოლის მუნიციპალიტეტიდან

ბავშვი რომ დამოუკიდებელი და ბედნიერი იყოს

ადრეული და სკოლამდელი განათლების ხარისხიანი პროგრამა ბავშვს ალიარებს და ეწყობა, როგორც საგანმანათლებლო პროცესის აქტიურ მონაწილეს. თითოეულ ბავშვს აქვს თავისი გამორჩეული ცხოვრება უნიკალური ოჯახით, ტრადიციებითა და ცხოვრების წესით. საბავშვო ბაღში ბავშვმა უნდა იგრძნოს, რომ აღიარებულია თავისი უნიკალურობით.

ა(ა)იპ თერჯოლის სკოლამდელი აღზრდის მუნიციპალური ცენტრის საბავშვო ბავშვ-ბაღებში განხორციელებული პროგრამის ფარგლებში დირექტორმა, აღსაზრდელ-პედაგოგები და მათი დამხმარეები ცდილობენ ბავშვის ინდივიდუალურ ინტერესებზე დაყრდნობით და მათი საჭიროებების დაკმაყოფილებით—ბავშვი იყოს დამოუკიდებელი და ბედნიერი.

რიალურ-ტექნიკური ბაზის აღსაჭურავად.

ნათელი, მზიანი, ფართო ოთახები მეთოდოლოგიის შესაბამისად მოწყობილი, დიდი ლამაზი დარბაზი ბუნებრივი განათებით, სათამაშოები. ეზოს ატრაქციონები—პატარებს, მათ მშობლებს და თითოეულ ადამიანს დიდ სიხარულს მიანიჭებს.

უნდა აღინიშნოს, რომ ეს პროექტი განხორციელდა ანგარდაცვლილის ბატონი ლაშა გოგიაშვილის ინიციატივით, რომელმაც ყოფილი შენობის ავარიული მდგომარეობის გამო მყისიერად მიიღო გადაწყვეტილება ახალი მშობლიური საბავშვო ბაღის მშენებლობის შესახებ.

მიმდინარე წელს დაიწყო ასევე უკვე რიგით მეცხრე ახალი ბაღის მშენებლობა ძველის ტერიტორიულ ერთეულში, რომელიც 2024 წლის ბოლოს დასრულ-

როგორ სრულდება ინფრასტრუქტურული პროექტები...

ტრადიციულად, გაზეთი „თერჯოლა“ მნიშვნელოვან ყურადღებას უთმობს მუნიციპალიტეტში განხორციელებული ინფრასტრუქტურული სამუშაოების შესრულების მიმდინარეობას.

წელიწადის ეს პერიოდი ამ მხრივ მეტად დაძაბულია, რადგან, როგორც წესი, სამუშაოთა დიდი ნაწილი სწორედ დროის ამ საშემოდგომო მონაკვეთზე მოდის.

ღვანკითი

ინტენსიურად მიმდინარეობს სოფელ ღვანკითში ინფრასტრუქტურული პროექტებით გათვალისწინებული სამუშაოები. წარმატებით განხორციელდა და დასრულდა ღვანკითი-თერჯოლის დამაკავშირებელი ცენტრალური გზის მშენებლობა სანიაღვრე არხებით, ცხაურებით და ასფალტის საფარით, რომელიც გასულ წელს დაიწყო.

სოფელში დასრულების ფაზაშია მიმდინარე წლის იანვარ-თებერვალში დიდთოვლობისას დაზიანებული გივი გამებარდაშვილისა და ნინო რობაქიძის საცხოვრებელი სახლების აღდგენითი სამუშაოები. უმოკლეს ვადაში ორივე ოჯახი აღდგენილ და უსაფრთხო სახლებს ჩაიბარებენ. პროექტი ცენტრალური ბიუჯეტის დაფინანსებით ხორციელდება.

2023 წელს სოციალური პროგრამით გათვალისწინებული რაიონის მასშტაბით, ათი შეჭირვებული ოჯახის ახალი საცხოვრებელი სახლის მშენებლობა თერჯოლის მუნიციპალიტეტის ადგილობრივი ბიუჯეტიდან ფინანსდება. ერთ-ერთი სახლი, რომელიც სოფელ ღვანკითში მცხოვრებ დალი ჯოხაძესთვისაა განკუთვნილი უკვე აშენდა, დასრულებულია ყველა სამუშაო და ქალბატონი დალი მალე ახალმოსახლეობას იზეიმებს.

სოფლის მხარდაჭერის პროგრამის ფარგლებში ღვანკითში დაგეგმილია 7 მცირე პროექტის განხორციელება. აღნიშნული პროექტისათვის გამოყოფილი 20 000 ლარის ფარგლებში მოეწყობა გარე განათება, სანიაღვრე და ცხაურები. რესურსები უკვე მობილიზებულია. როგორც „თერჯოლასთან“ საუბარში თერჯოლის მუნიციპალიტეტის მერის წარმომადგენელი ტარიელ კუბლაშვილი აცხადებს ეს პროექტი სექტემბრის ბოლოსთვის უკვე დასრულებული იქნება.

კიდევ ერთი საინტერესო ინფორმაცია ღვანკითიდან:

კუბლაშვილების უბანში ციცაბო აღმართი ადგილობრივ მოსახლეობას ნორმალური გადაადგილების საშუალებას უზღუდავდა. მოსახლეობამ დახმარება მუნიციპალიტეტის მერიას სთხოვა, რომელმაც მოსახლეობის თხოვნასა და ინიციატივას მხარი დაუჭირა და 200 კვადრატული მეტრი გზისათვის საჭირო ცემენტით და შერეული ქვიშით დაეხმარა. მოსახლეობამ გზის მშენებლობისათვის სხვა საჭირო მასალა საკუთარი სახსრებით შეიძინა და სამუშაოებიც თვითონ ჩაატარა. კუბლაშვილების, ქარქაშაძეების და ჭანტურიძის უბნის გზის კეთილმოწყობის სამუშაოებში აქტიურად მუშაობდნენ: მალხაზ, ზვიად, ალექსანდრე, დავით, ანზორ, ვანო, გოგი, გიორგი, რომან კუბლაშვილები, ტარიელ, გიორგი, თემურ ქარქაშაძეები და სხვები.

მუნიციპალიტეტის მერიის ძალის-

სწორედ ამიტომ, გაზეთის ამ ნომრიდან სისტემატურად მოგანოდებთ ინფორმაციებს თუ როგორ სრულდება განსაზღვრული ინფრასტრუქტურული სამუშაოები მუნიციპალიტეტის სხვადასხვა ლოკაციებზე.

ამჯერად გთავაზობთ ინფორმაციებს სოფელ ღვანკითიდან, რუფოთსა და ნახშირღელედან.

ხმევითა და დახმარებით, ასევე სოფლის მცხოვრებთა ჩართულობით, კიდევ ერთი აღდგენილ-გალამაზებული გზის მონაკვეთი შეემატა სოფელს, რაც ნორმალური გადაადგილების საშუალებას მისცემს ადგილობრივ მოსახლეობას.

რუფოთი

ზურაბ გოგიაშვილი—(მუნიციპალიტეტის მერის წარმომადგენელი სოფელ რუფოთსა და ტელეფანში) გვატყობინებს, რომ სოფელში ინტენსიურად მიმდინარეობს წყალსადენის დამონტაჟება-გამრიცხველიანების სამუშაოები. მისივე განმარტებით, ორივე სოფელში შესრულებულია სამონტაჟო სამუშაოები გარდა რუფოთში, სოფრომაძეების უბნისა, რომელიც ასევე მალე დასრულდება. სავარაუდოდ, ეს სოფლები ახალი წლისთვის ონკანებიდან მიიღებენ წყალს...

მუნიციპალიტეტის მერიის 2023 წლის სოციალური პროგრამით ტელეფანში, ვარლამ არემიძის სოციალურად დაუცველ ოჯახს ახალი სახლი აუშენეს. ყველა სამუშაო დასრულებულია, დამონტაჟებულია გამათბობელი, ე.წ. „კარმა“.

სოფლის მხარდაჭერის პროგრამის დაფინანსების ფარგლებში რუფოთის და აგრეთვე ტელეფანის ახალგაზრდების სურვილების გათვალისწინებით მოეწყობა ფეხბურთის 2 მინი სტადიონი. ტელეფანში რობაქიძეების უბანში არსებული სტადიონის შემოღობვასა და სხვა სამუშაოს, აგრეთვე რუფოთში გამგეობის უკან შემოღობვა და მწვანე საფარის დაგება იგეგმება... ორივე პროექტისთვის 20 000-20 000 ლარია გამოყოფილი...

სამუშაოები დაწყებულია, რომელშიც ახალგაზრდები აქტიურად მონაწილეობენ.


ნახშირღელე

ზურაბ ლომთაძის (მუნიციპალიტეტის მერის წარმომადგენელი ნახშირღელეში) ინფორმაციით, მერიის სოციალური პროგრამის ფარგლებში, ბადრი ბრეგვაძის სოციალურად დაუცველი 4 სულიანი ოჯახისათვის ახალი სახლის მშენებლობის ძირითადი სამუშაოები დასრულებულია. სახლი უკვე აშენებულია, ამ ეტაპზე მიმდინარეობს შიდა მოსაპირკეთებელი სამუშაოები, რომელიც უმოკლეს ვადაში დასრულდება.

მერიამ ავთო ვირსალაძის სოციალურად დაუცველ ოჯახს შეუძინა და გადასცა საცხოვრებელი სახლის სახურავი.

სოფლის მხარდაჭერის პროგრამით დაგეგმილია ნახშირღელეში ძველი წყაროს აღდგენა, რაზეც შესრულდება 10 000 ლარის სამუშაოები. აღნიშნული პროექტები, რომელიც ინტენსიურად მიმდინარეობს, ხორციელდება სოფლების მოსახლეობის ინტერესთა გათვალისწინებით.

მზია ცქიფურიძე



მიმდინარე წელი გამოწვევაა საქართველოში სკოლამდელი განათლების მართულებით. კერძოდ, „ადრეული და სკოლამდელი აღზრდისა და განათლების შესახებ“ საქართველოს კანონის შესაბამისად გარდამავალ პერიოდში, 2030 წლის 1 იანვრამდე უნდა განხორციელდეს საბავშვო ბავშვ-ბაღების ეტაპობრივი ავტორიზაცია. დაწყებულია თვითშეფასების პროცესი. მიმდინარე წლის ივლისის თვეში ჩვენი მუნიციპალიტეტის 16 საბავშვო ბავშვ-ბაღმა გაიარა თვითშეფასება (10 საბავშვო ბაღი სექტემბრის თვეში გაივლის). თვითშეფასების კითხვარი შედგენილი სტანდარტების მიხედვით, დასრულებული სახით გადაეგზავნა ხარისხის განვითარების ეროვნულ ცენტრს, რომელიც საფუძვლად დაედება ავტორიზაციის გავლის განრიგს 2029 წლის ბოლომდე.

აღნიშნული თვითშეფასება დაგეგმვარება უფრო ეფექტიანად და რეალური საჭიროებების გათვალისწინებით დაიგეგმოს გარდამავალი პერიოდი. აღნიშნული პროცესის მიმდინარეობისას, დაგეგმვარებიან ხარისხის მართვის ცენტრის სპეციალისტები.

საბავშვო ბავშვ-ბაღებში ახალი სასწავლო-სააღმზრდელო პროცესი დაიწყება მიმდინარე წლის 18 სექტემბერს.

ახალ სასწავლო წელს თერჯოლის №3 საბავშვო ბავშვ-ბაღი ახალმოსახლეობას იზეიმებს, თანამედროვე სტანდარტებით აშენებულ ძალიან ლამაზ შენობაში. საბავშვო ბავშვ-ბაღის ყველა სივრცითი ფართი აღჭურვილია შესაბამისი საბავშვო და ორგანიზაციული მართვისათვის საჭირო ინვენტარით, აღნიშნული ბაღის მშენებლობა საპილოტე რეგიონების ინტეგრირებული განვითარების პროგრამის ფარგლებში განხორციელდა და მისმა ლირებულბამ შეადგინა 2 243 845 ლარი, 250 000 ლარი კი დაიხარჯა მატე-

დება.

ა(ა)იპ თერჯოლის სკოლამდელი აღზრდის მუნიციპალური ცენტრის ფილიალებს დაფინანსებს, პროგრამა შეადგენს 4 365 000 ლარს, რის ფარგლებშიც ფინანსდება დასაქმებულთა ხელფასები და ორგანიზაციული მართვის ყველა ხარჯი. ყველა საბავშვო ბაღში განხორციელდა HACCP პროგრამის დანერგვა, რაც გულისხმობს კრიტიკულ საკონტროლო წერტილების სისტემას, რომლის მიხედვით სურსათის უვნებლობიდან გამომდინარე მთელი რიგი ღონისძიებები ხორციელდება ყოველდღიურად სამზარეულოში, ამ მიმართულებით განეულმა ხარჯმა 110 000 ლარი შეადგინა. 27 000 ლარი დაიხარჯა სათამაშოების შეძენაზე, ყველა ბაღს გადაეცა ქსეროქსის აპარატი, რომლის ღირებულება იყო 26 800 ლარი, საკანცელარიო ნივთების შეძენაზე კი დაიხარჯა 26 000 ლარი. 78 700 ლარი კი დაიხარჯა ენრის ბაღის ნაწილობრივ რეაბილიტაციაზე, 30 000 ლარი დაიხარჯა მიმდინარე სარემონტო სამუშაოებისათვის.

საბავშვო ბავშვ-ბაღებში ბავშვის პოლისტური ანუ მთლიანობით განვითარება შესაბამისი გარემოს შექმნითა და საგანმანათლებლო რესურსის შეთავაზებით მიიღწევა, აქედან გამომდინარე პრიორიტეტად გვაქვს დასახული ადგილობრივ ბიუჯეტში მნიშვნელოვნად გაზარდოს სკოლამდელი განათლების მართულებით განეული ხარჯების ხვედრითი წილი.

ჩვენ კარგად გვაქვს გათვითცნობიერებული, რომ მნიშვნელოვანია გარემო სთავაზობდეს მრავალფეროვან რესურსს, მასალებს, რომელზეც ბავშვებს სრული ხელმისაწვდომია ექნება.

მანია თორთლაძე

ზაფხულის ბანაკი დაუვიწყარი ღონისძიებებით

„არც მონაწილეთა სიმრავლე გავაძინებდა და არც იმის მოლოდინი გვექონდა, რომ მუშაობის დაგეგმვა-განხორციელება გავგიჭირდებოდა, რადგან გვყავს გუნდი-მოსწავლეების, ყოფილი მოსწავლეებისა და თანამშრომლების სახით, რომელსაც ახალგაზრდებისთვის ამ მეტად მნიშვნელოვან საქმეში ვერაფერი დააბრკოლებს. მოტივაცია იყო ძალიან დიდი, რომ რაც შეიძლება მეტი ახალგაზრდასთვის ლა-მაზი დღე გვეჩუქებინა. წელს ბანაკს ყავდა არა მარტო ჩვენი სკოლისა და თუნდაც ჩვენს სოფელში მაცხოვრებელი თუ სტუმრად ჩამოსული ახალგაზრდა, არამედ დადო-ოდნენ მეზობელი სოფლებიდან და ქალაქებიდან. ჩვენ არ დავდელივართ, რადგან უამრავ კმაყოფილ ახალგაზრდას ვხედავდით“ – განაცხადა ჩვენთან საუბარში სიქთარვის საჯარო სკოლის დირექტორმა ია კვატაიამ.

სიქთარვის საჯარო სკოლაში ზაფხულო ინგლისურენო-ვან ბანაკს სოფლის და არამარტო სოფლის ახალგაზრდო სიხარულით ელოდა. წელს განსაკუთრებული მოლოდინი იყო, რადგან ბანაკს და სკოლას „მშვიდობის კორპუსის“ მოხალისე, სოფლის და სკოლის მეგობარი სოსო ჰყავს, რომელიც ორი წლის განმავლობაში ითანამშრომლებს სიქ-თარვის სკოლაში. არც წინა წლებში აკლდა ბანაკს მონა-წილეთა რაოდენობა, მაგრამ წელს 230-მდე ახალგაზრდამ ლაზიაში, შინაარსიანი დღე გაატარა სიქთარვის საჯარო სკოლაში. ბანაკი 22 აგვისტოს გაიხსნა და 26 აგვისტოს დაიხურა. აქტივობები 9 საათიდან პირველ საათამდე სრულდებოდა. პრეზენტაციები, ძირითადად, ინგლისურენო-ვანი იყო. პირველი დღე ძირითადად გაცნობითი ხასიათის იყო, მეორე-მსოფლიო დღე, მესამე-ამერიკის დღე, მეოთხე-ჯანსაღი ცხოვრების პოპულარიზაცია და ბოლო, დახურვის დღე-საქართველოს დღე. ყოველი დღე გამა-მხნეველები ვარჯიშითა და ენერჯაიზებით იწყებოდა და, ძირითადი აქტივობების გარდა, დღეები შემეცნებითი, გა-სართობი, მუსიკალური აქტივობებით იყო დატვირთული. ბანაკის მონაწილეები 10 ჯგუფში იყვნენ განაწილებულნი. ჯგუფებს თავიანთი სახელი, დევიზი და შეძახილი ჰქონ-დათ. პირველი ჯგუფი „Lost in Time“, ლიდერები ქრისტიანა გიორგაძე, ლიზი სულამანიძე, საბა ქარჩხაძე, მარი სულა-მანიძე. მეორე ჯგუფი „Fighters“-ლიდერები ენდი კვატაია, მარი არაბიძე, ლუკა მიტაცაძე, მესამე ჯგუფი „მარსელები Martians“-ლიდერები-გიგა კვატაია, ნოდარ კახიძე, ანი ისა-კაძე, ბაჩო ცხადაძე, მეოთხე ჯგუფი „Giraffe Jose“-ლიდე-

რები ნიკო ლუტიძე, გიორგი ბარბაქაძე, ანი სულამანიძე, მეხუთე ჯგუფი „Heat“-ლიდერები თინათო ცხადაძე, გიორ-გი ცხადაძე, მეექვსე ჯგუფი „მეტყინული More Ice“-ლი-დერები გენკა ტოფაძე, ანა მაკარიძე, მაგდა სირბილაძე, კოტე ფოფხაძე, მეშვიდე ჯგუფი „ტროა Troy“, ლიდერები ბაია მაკარიძე და ლუკა აბუხანდაძე, მერვე ჯგუფი „Jerry“, ლიდერები ზურა ბასილაია, გიორგი მუმლაძე, მეცხრე ჯგუფი „OMG!“ ლიდერები ანნა კვატაია, თეკლა მუმლა-ძე და მეათე ჯგუფი „Last Bite ბოლოლუკმა“ ლიდერები ავთანდილ მაჩიტაძე, მაგდა არაბიძე, მარი ფოფხაძე. ბა-



ნაკის ორგანიზებაში აქტიურად მონაწილეობდა სიქთარვის საჯარო სკოლის ყოფილი მოსწავლე, ქუთაისის საერთა-შორისო უნივერსიტეტის სტუდენტი გრიგოლ რობაქიძე, ინგლისურის მასწავლებლები სოფიკო ვაშაკიძე და ნინო გვენეტაძე. მათ აქტიურად ედგნენ გვერდით სკოლის სხვა თანამშრომლები.

შთაბეჭდილებათა ნიგნიდან— რას ამბობდნენ მოსწავლეები



თინათო ცხადაძე-სიქთარვის საზაფხულო ბანაკი ერთ-ერთი საუკეთესოა. იქ გატარებული ხუთი დღე კი წელს ორასზე მეტი ბავშვისა და ათობით ლიდერისთვის იყო დაუვიწყარი გამოც-დილება. მიუხედავად იმისა, რომ სიქთარვას ყოველწლიურად ვსტუმრობ, ბანაკში ძალიან ბევრი საინტერესო ადამიანი გავიცა-ნი. ყველაზე დასამახსოვრებელი კი ჩემთვის ის იყო, რომ ბანაკის მიმდინარეობაში, ადგილობრივი მასწავლებლების გარდა, აქტი-ურად იყო ჩართული ამერიკელი პედაგოგიც. მათი ერთობლივი მუშაობით ბანაკის ბევრი პროექტი ინგლისურენოვანი იყო, რაც მრავალ მონაწილეს დაეხმარა, უცხო ენაზე თავისუფალი კომუ-ნიკაციის ჩამოყალიბებაში. მრავალი სახალისო სპორტული თუ ინტელექტუალური თამაში მონაწილეებს ესმარება პრეზენტაცი-ის, კომუნიკაციის, ჯგუფური მუშაობისა და ფიზიკური უნარების განვითარებაში. ხოლო ლიდერებმა ორგანიზაციულ საკითხებთან მუშაობის ძალიან მნიშვნელოვანი და თანაც სახალისო გამოც-დილება მივიღეთ. ბანაკი სოფლის მაცხოვრებლებისა და სტუმარ-რატის უკვე შეუქცეულ ტრადიციად ჩამოყალიბდა. მოულოდენ-ლად ვეღვი მომავალ ზაფხულს, რომ კიდევ ერთხელ მივიღო ბანაკში მონაწილეობა.

აქტივობაში, როგორც შემეცნებით, ასევე გასართობში. მინდა მაძღვრობა გადავუხადო სკოლის ადმინისტრაციას, რადგან მათ შეძლეს, ეს ყველაფერი ყოფილიყო ბანაკის ნევრებისთვის დაუ-ვინყარი 5 დღე.

ავთანდილ მაჩიტაძე-ძალიან მნიშვნელოვანია, რომ დღეს ახალგაზრდა ქუჩაში არ იდგეს და სწორი მიმართულებით და-ინტერესდეს. სწორედ ამის სურვილი, მზაობა და შესაბამისობა დავინახე ამ ბანაკში. ამ ხუთმა დღემ, როგორც ლიდერს, მეტად დამანახა პასუხისმგებლობა. როგორც მონაწილეს, საშუალება მომცა, აქტიური ვყოფილიყავი, ჩემი შესაძლებლობები წარმო-მეჩინა და ახალი, საუკეთესო მეგობრები გამეცნო. ცოტა სუ-ბიექტურად ვარ და მიხარია, რომ ამ ყველაფერს ჩემი მამიდა უძღვევა. ზუსტად ვიცი, ბანაკის მონაწილეთათვის ეს ხუთი დღე დაუვიწყარი იქნება და მომავალი ზაფხულის მოლოდინი-ყველას-თვის სანატრელი.

ანა კვატაია-ძალიან კარგია, რომ ჩემს მშობლიურ სკოლა-ში ასეთი საინტერესო ამბებია. მიუხედავად დროის სიმცირისა, მიხარია, რომ ლიდერობა შევძელი. ბევრი ფაქტორის გამოა ეს ბანაკი მნიშვნელოვანი. მონაწილეებს მრავალმხრივ შეუძლიათ, უნარი გამოავლინონ: ინგლისურად ისაუბრონ, შემოქმედებითი ნიჭი აჩვენონ, თანამშრომლობითი კულტურა განივითარონ... ჯგუფებში სხვადასხვა ასაკობრივი კატეგორიის მონაწილე იყო და კომუნიკაცია მათ შორის იმდენად ჯანსაღი იყო, ხაზგასას-მელია ეს ღირებულება. ჩვენს სოფელში საზაფხულო ბანაკების ტრადიცია აუცილებლად უნდა გაგრძელდეს.

ასრულდა ბანაკის გახსნის პირველ დღეს სკოლის დირექტო-რის ია კვატაიას ნათქვამი, რომ ბანაკში გატარებული ეს ხუთი დღე იქნება იმდენად შთაბეჭდავი, რომ იტყვიან-ნეტავ მალე მო-ვიდეს მომავალი ზაფხული.

მე თითქმის ყოველდღე დავდიოდი ბანაკში-მართლაც ასე ამ-ბობდნენ მონაწილენი-ერთმა მშობელმა თქვა-სადა აქვს ამ ქალს ამდენი ენერჯიაო. ენერჯიაც აქვს და ბავშვების დიდი, უპირობო სიყვარული, უყვარს საქმე რომელსაც აკეთებს და იღებს სამაგიერ-ოს-იგი უყვართ მოსწავლეებს.

ლიზი კაკაურიძე-ჩემთვის ბანაკი ძალიან ნაყოფიერი აღმოჩ-ნდა. განვავითარე უნარები, რომელიც დამეხმარება პრეზენტა-ციების მომზადებასა და წარდგენაში, ასევე შევიძინე ძალიან კარგი მეგობრები, რომლებთანც ერთად იმედი მაქვს, შემდეგ წელსაც ისეთივე კარგ დროს გავატარებ, როგორც წელს. საბა ქარჩხაძე-ეს იყო ჩემთვის საუკეთესო 5 დღე, სადაც შე-ვიძინე მეგობრები, მათთან ერთად ვიყავით ჩართული უამრავ

მოსახლეობის უკეთ მომსახურების მიზნით

ერთ თვეზე მეტია სიქთარვის ადმინისტრაციულ შენობაში ფუნქციონირებს ლიბერთი ბანკის ექსპრეს ფილიალი. ფილიალი მუშაობს ორშაბათიდან პარას-კევის ჩათვლით 10 საათიდან 17 საათამდე, შაბათს 10 საათიდან 14 საათამდე. ფილიალში მოსახლეობას შეუძლია შემდეგი მომსახურების მიღება: აილოს პენ-სია, ხელფასი, სოციალური დახმარება, გადახადოს კომუნალური გადასახადები, გადარიცხოს თანხები ბიუჯეტში, აილოს სამომხმარებლო, აგრო, ბიზნეს სესხები, საპენსიო სესხი, მიიღონ და გააგზავნონ ფულადი გზავნილები.

მოსახლეობას მომსახურებას უწევს ექსპრესის მო-ლარე-ოპერატორი ნანა ყვავაძე.

მოსახლეობის დიდმა ნაწილმა იცის ამ მომსახურე-ბის შესახებ, სარგებლობენ კიდევ და კმაყოფილებიც არიან.

დასუფთავების აქცია

ხუთ სექტემბერს სიქთარვაში (მუნიციპალიტეტის მერის წარმომადგენელი გიზო ხანიაშვილი) დასუფ-თავების აქცია ჩატარდა. გასუფთავდა ცენტრალუ-რი მაგისტრალის და სოფლის ცენტრალური გზის ორივე მხარე, რაც კარგია, მაგრამ, გააჩნია ვის-თვის. ვინც შენს დაყრილ ნაგავს იღებს, მისთვის, მთლად სასიამოვნო არ უნდა იყოს. რბილად რომ ვთქვათ ქუჩებში ნაგავის დაყრა უპასუხისმგებლო-ბის და დაბალი კულტურის მაჩვენებელია. არ გვე-კადრება, მითუმეტეს, როცა, რომ იტყვიან სანაგვე ყუთები ყოველ ფეხის ნაბიჯზეა. ცენტრალური მა-გისტრალის სანაპიროზე მანქანებიდან სიგარეტის კოლოფების, ცელოფანების პარკების, ნაყინების ქა-ლალდების თუ ჭიქების, ბოთლების გადმომყრელი სად ვეძებოთ!

შუშუნა ცხადაძე

შემოდგომის ხიბლი

შერჩეული სიტყვებით ისეთიარად შეავსეთ ცენ-ტრალური სვეტი, რომ იკითხებოდეს „შემოდგომის ხიბლი“, რამეთუ ამ ორი სიტყვის მნიშვნელობა არას-დროს მცირდება და... სიყვარულთან, ქორწილებთან, ძეობებთან... ასოცირდება!



კროსვორდი

15 1 2 3 4 5 6 7 8 9 10 11 12 13 14

1			შ											
2				ქ										
3				მ										
4				ო										
5				დ										
6				ბ										
7				ო										
8				მ										
9				ი										
									ს					
									ს					
									ი					
									ბ					
									ლ					
15									ი					

პასუხები: შრომა. რთველი. მამული. დონდლაბი. მტევანი. გოგრა. ქორწილი. შრომა. მარანი. სარცხი. ხა-რება. ქინძმარაული. ქიშიში. ხიბლი. თერჯოლა. ცო-ლიკაური.

შუშუნა ცხადაძე

მუნიციპალური საფეხბურთო ტურნირების ექო

ავგისტოს თვის მეორე და მესამე დეკადები თერჯოლის მუნიციპალიტეტში განსაკუთრებულად იყო დატვირთული საფეხბურთო ტურნირებით. ავგისტოში ჩატარდა ქართლოს ჭუმბურიძის სახელობის IX ტურნირი მინი ფეხბურთში. ამავდროულად აიღო სტარტი მუნიციპალიტეტის სასოფლო ტურნირებმა, რომლებიც ორშაბათს, 11 სექტემბერს დასრულდა მარიამ ბარდაველიძის სახელობის თასის ფინალური მატჩით სოფელ ბარდუბანში. აღსანიშნავია, რომ ამ ფინალს ესწრებოდა მუნიციპალიტეტის მერი მანუჩარ რობაქიძე, რომელიც

მელმაც გამარჯვებულ გუნდს პირადად გადასცა მარიამ ბარდაველიძის სახელობის გარდამავალი თასი. ტრადიციულად, ოქტომბრის თვეში ჩვენი სოფლების ფეხბურთელები ერთმანეთს მუნიციპალიტეტის ჩემპიონობას შეეცილებიან მუნიციპალიტეტის ანგარდაცვლილი მერის, ლაშა გოგიაშვილის სახელობის ტურნირზე, რომლის ფინალი ოქტომბრის მესამე დეკადაში—თერჯოლის ზემის დღეს—ტრადიციული ღვინის ფესტივალზე გაიმართა.

სიქთარვა

სიქთარვაში სასოფლო საფეხბურთო ტურნირის ფინალამდე ექვსი გუნდი ეჯიბრებოდა ერთმანეთს, ფინალში კი, რომელიც სიქთარვის საჯარო სკოლის კეთილმონყობილ სტადიონზე 31 ავგისტოს გაიმართა ერთმანეთს ლუტიძეების გუნდის „ელვას“ და ტაბატაძეების (ჩხარი-ენელი) „გორას“ გუნდი დაუპირისპირდნენ



ერთმანეთს. ლუტიძეების „ელვას“ გუნდში თამაშობდნენ: თორნიკე, ლევან, ირაკლი ლუტიძეები, ლაშა ბუბაშვილი, ნიკა ლიბრაძე, ჯონი სირბილაძე, ვატო ისაკაძე, დათო ნოსელიძე. ტაბატაძეების „გორას“ გუნდში თამაშობდნენ: ბაჩო რობაქიძე, ბექა ბუცხრიკიძე, გიორგი ბარბაქაძე, ლუკა ბუცხრიკიძე, ზურა რობაქიძე, ლუკა ჭელიძე, ნოდარ ტაბატაძე, პირველ ტაიმში გუნდს ვერ ეხმარებოდა ბაჩო რობაქიძე, ბექა ბუცხრიკიძე, ზურა რობაქიძე.

პირველი ბურთი ლუტიძეების გუნდის ფეხბურთელმა თორნიკე ლუტიძემ გაიტანა ტაბატაძეების გუნდის კარში. მეორე ბურთით ტაბატაძეების გუნდის ნევრმა გიორგი ბარბაქაძემ გაათანაბრა ანგარიში. ამის შემდეგ „ელვას“ გუნდის ნევრებმა ლაშა ბუბაშვილმა ერთი და თორნიკე ლუტიძემ ორი ბურთი გაიტანეს. მეორე ტაიმში „გორას“ ფეხბურთელმა ბაჩო რობაქიძემ ერთი ბურთი გაიტანა. ფინალური შეხვედრა დამთავრდა ანგარიშით ოთხი ორი „ელვას“ სასარგებლოდ.

საუკეთესო ფეხბურთელად „ელვას“ ფეხბურთელი ლაშა ბუბაშვილი, საუკეთესო ბომბარდირად თორნიკე ლუტიძე, საუკეთესო მეკარედ ლევან ლუტიძე, ხოლო საუკეთესო თავდამსხმელად „გორას“ გუნდის ფეხბურთელი ბაჩო რობაქიძე დასახელდა. ნომინაციაში გამარჯვებულ ფეხბურთელებს დიპლომები გადაეცათ, მურმან რობაქიძის სახელობის თასი და ფულადი ჯილდო „ელვას“ გადაეცა.

შეჯიბრებას ბაჩი კვატია მსაჯობდა. „გორას“ გუნდის მწვრთნელი გონერი ცხელიშვილი, „ელვას“ მწვრთნელი თემურ ლუტიძე. ისინი ცხადია გულშემატკივრობდნენ თავიანთ გუნდებს და ფინალამდე გამართულ ყველა შეხვედრას ესწრებოდნენ.



ფინალურ თამაშს ესწრებოდნენ მუნიციპალიტეტის ხელმძღვანელი მუშაკები, მუნიციპალიტეტის საკრებულოს წევრები, სიქთარვის და ახალთერჯოლის მაჟორიტარი დეპუტატი ჯემალ ისაკაძე, გულშემატკივრები, სკოლის დირექტორი ია კვატია—კი ექვსივე გუნდის თამაშს ესწრებოდა, თითოეული ფეხბურთელი სიქთარვის საჯარო სკოლის ყოფილი მოსწავლეა და „ვერავის გამოვარჩევ“-იამ.

გამარჯვებულ გუნდს გარდამავალი თასი მუნიციპალიტეტის მერის წარმომადგენელმა ვიზო ხანიაშვილმა გადასცა. ფინალური მატჩი დათქმულ ვადაზე თითქმის საათნახევრით გვიან დაიწყო. ელოდებოდნენ „გორას“ გუნდის წამყვან ფეხბურთელს—ბაჩო რობაქიძეს, ბექა ბუცხრიკიძეს, ზურა რობაქიძეს. ისინი თამაშში მეორე ტაიმში ჩაერთვნენ, რაც აისახა კიდევ შედეგზე და სანახაობრივ მხარეზე.

გუნდის ნევრებს, გულშემატკივრებს შორის იყო მცირე დაპირისპირება, ურთიერთშეკამათება და ბრალდებები, მაგრამ მხარეები მალევე დაზავდნენ. ერთ სოფელში, ერთად გაზრდილმა ბიჭებმა გაუგეს ერთმანეთს. „გორას“ ძლიერი გუნდია და იყო გულწყველად ანგარიშის გამო. ფეხბურთში ყველაფერი შეიძლება მოხდეს, დიდ სტადიონზეც კი, მოგება და ნაგებაც ძმებია—ო ამბობენ. შიდა საფეხბურთო შეჯიბრებას მერის წარმომადგენლის ასისტენტი ბაჩო ბუსკივადე უწევდა ორგანიზებას.

ჭუჭუნა ცხალაძე

ქართლოს ჭუმბურიძის სახელობისა...

ბარდუბნის ადმინისტრაციულ-ტერიტორიული ერთეულის სოფელ სათემოში, ... ავგისტოს, გაიმართა ქართლოს ჭუმბურიძის სახელობის ტრადიციული საფეხბურთო IX მინი-ტურნირი, რომელშიც მონაწილეობა მიიღო სოფლების: ქვედა სიმონეთის, ბარდუბნის, სათემოს, ენრის და ზედა სიმონეთის რვა გუნდმა. გუნდები ორ ჯგუფად იყვნენ გაყოფილნი. დაძაბული ჯგუფური მატჩების შემდეგ, ტურნირის გადამწყვეტი თა-

ქართლოს ჭუმბურიძის მეგობარი უეფას მედია-ოფიცერი, მამუკა კვარაცხელია, სათემოს უბნის სტადიონის დამაარსებელი, ელგუჯა აბულაძე, ქართლოს ჭუმბურიძის უფროსი ვაჟი, კახა ჭუმბურიძე, იმერეთის რეგიონის ფეხბურთის ფედერაციის პრეზიდენტი დავით რუხაძე და თანამშრომლები. დავით რუხაძემ, მამუკა კვარაცხელიამ და ქართლოს ჭუმბურიძის უფროსმა ვაჟმა კახა ჭუმბურიძემ, თავიანთ გამოს-

ლი სოფელ ზედა სიმონეთში). აგრეთვე დაჯილდოვდნენ ტურნირის გამორჩეული ფეხბურთელები, რომლებსაც გადაეცათ ინდივიდუალური პრიზები: მსაჯები—ბექა კუნჭულია, მიხეილ კუპატაძე დაჯილდოვდნენ ბურთებით—ბურთები გადასცა ირფფ-ს სამეჯებრო უფროსმა მენეჯერმა ნუგზარ რუსიშვილმა. ფინალური მატჩის საუკეთესო ფეხბურთელი—ირაკლი



მაშები ტურნირის ბოლო დღეს გაიმართა.

მესამე ადგილი: „ენერი“ ენერი - „მერცხალი“ ბარდუბანი 2-3 (1-2)

ფინალი: „სათემო“ ბარდუბანი - „ზედა სიმონეთი“ ზედა სიმონეთი 3-3 დ. პენ. 5-4

ამ მატჩებში მონაწილე გუნდებმა, წუთიერი დუმილით პატივი მიაგეს შოეში ტრადიციულად დაღუპულთა ხსოვნას.

ფინალური მატჩის დაწყებამდე, ქართლოს ჭუმბურიძის მეგობარმა, უეფას მედია-ოფიცერმა, მამუკა კვარაცხელიამ, მაისურებით და ბურთებით დაასაჩუქრა ზედა სიმონეთის, ქვედა სიმონეთის და ბარდუბნის საჯარო სკოლების მეორეკლასელები, რის შემდეგ მან „სახალისო ფეხბურთის“ პროგრამით ბავშვებს რამდენიმე ვარჯიში ჩაუტარა, რასაც მაყურებელი დიდი მოწონებით შეხვდა.

ფინალურ შეხვედრას ესწრებოდნენ: თერჯოლის მუნიციპალიტეტის მერის წარმომადგენლები: სოფელ ბარდუბანში რომან ბარდაველიძე, სოფელ ზედა სიმონეთში ზვიად ბაზაძე,

ვლაში მადლობა გადაუხადეს ტურნირში მონაწილე გუნდებს, გულშემატკივრებს, განსაკუთრებულად გაუსვენს ხაზი ტურნირის ჩატარებას და ორგანიზებულობის სათანადო დონეს.

ტურნირის პრიზიორები გახდნენ:

I ადგილი „სათემო“ ბარდუბანი—I ადგილის მფლობელები დაჯილდოვდნენ გარდამავალი თასით, I ადგილის თასით, შესაბამისი მედლებითა და დიპლომით. პრიზები გადასცეს ქართლოს ჭუმბურიძის ვაჟმა კახა ჭუმბურიძემ და უეფას მედია-ოფიცერმა მამუკა კვარაცხელიამ.

II ადგილი „ზედა სიმონეთი“ ზედა სიმონეთი—II ადგილის მფლობელები დაჯილდოვდნენ შესაბამისი თასით, მედლებითა და დიპლომით - პრიზები გადასცა ირფფ-ს პრ-მა დავით რუხაძემ.

III ადგილი „მერცხალი“ ბარდუბანი—III ადგილის მფლობელები დაჯილდოვდნენ შესაბამისი თასით, მედლებითა და დიპლომით - პრიზები გადასცა ზვიად ბაზაძემ (მერის წარმომადგენ-

ფუტკარაძე („სათემო“).

მაყურებლის სიმპატია—საბა რობაქიძე („ენერი“).

საუკეთესო მეკარე—ნიკა სულამანიძე („ზედა სიმონეთი“).

საუკეთესო მცველი—საბა ბარდაველიძე („მერცხალი“).

საუკეთესო თავდამსხმელი—ნიკა ფანჩულიძე („ზედა სიმონეთი“).

საუკეთესო ბომბარდირი—თორნიკე ჭუმბურიძე („სათემო“).

საუკეთესო ფეხბურთელი—ზაზა სამანიშვილი („სათემო“).

ბომბარდირები:

- 1. თორნიკე ჭუმბურიძე („სათემო“) - 12
- 2. ნიკა ფანჩულიძე („ზედა სიმონეთი“) - 11
- 3. აკაკი ლვინევაძე („LMNTRIX“) - 7
- 4. ვახტანგ ფუტკარაძე („სათემო“) - 6
- 5. საბა რობაქიძე („ენერი“) - 6
- 6. იასონ რობაქიძე („მერცხალი“) - 6
- 7. დიმა არეშიძე („მერანი“) - 5
- 8. ირაკლი ფუტკარაძე („სათემო“) - 5



მხიარულ ტალღაზე „ტყემალი ნამოიღეთ ბლომად, ტყემალიო“...

ეს ამბავი იმ პერიოდში მოხდა, როცა არათუ მობილური ტელეფონი არსებობდა, არამედ ასეთზე ფიქრიც კი წარმოუდგენელი იყო, არადა თუ რამე უჭირდათ ადამიანებს ერთმანეთს შორის დაკავშირება იყო. მაგ. ჩვენს რაიონში, დასავლეთის ზონის სოფლებს, ან წარმოება-დანესებულებებს რომ შეხმინებოდი ჯერ ქვედა სიმონეთში მდებარე საფოსტო განყოფილებაში უნდა დაგერეკათ. როდის შეგაერთებდნენ სასურველ აბონენტს, ეს იმაზე იყო დამოკიდებული, იყო თუ არა ხაზი თავისუფალი და ვინც გინდოდა დროულად შეატყობინებდნენ თუ არა, ასეთი ვითარება ბევრ სიმწველეს იწვევდა, არცთუ იშვიათად დრამატულსაც.

ერთხელ ნახშირღელეში მელორეობის ფერმას გაუჩნდა ცეცხლი. სამინელი ქარები იცის ამ სოფელში ზამ-

თარში და ცეცხლიც სულ უფრო ძლიერდებოდა. ეცენ ტელეფონს ფერმის მესვეურები, რათა შეეტყობინებინათ თერჯოლაში სახანძრო ნაწილისათვის შემთხვევის შესახებ. როგორც იქნა დაუკავშირდნენ ქვედა სიმონეთის ფოსტას, მაგრამ აქედან გაჭირდა „პაჟარკამანდასთან“ დაკავშირება.

საკმაო დროის გასვლის შემდეგ, კავშირი როგორც იქნა შედგა და კითხულობენ მესხანძრეები—მელორეობის ფერმაში წყალი არის სადმე, რომ ავილოთ, თუ აქედან ნამოვილოთ...

მდგომარეობა სატირალთან ერთად იმდენად სასაცილო იყო, რომ ამ შეკითხვით გაბრაზებულმა, როგორც ჩანს, ენა-კვიმატმა ფერმის მუშაკებმა უპასუხეს—წყალი აღარ გინდათ, ტყემალი ნამოიღეთ ბლომად გოჭები უკვე შემწვარიაო.

დანაყრებული მომღერლები და მშვიერი სტუმარი

თერჯოლაში სოფლის მეურნეობის სხვა პროდუქტებთან ერთად უხვად იწარმოებოდა მარცვლეული. ნათესების მოვლა-პატრონობა ზემდგომი უწყებების მხრიდან მუდმივ კონტროლზე იყო. ყოველწლიურად ეწყობოდა ყანების დათვალიერება. ერთხელაც, მორიგ ასეთ ღონისძიებაზე, თერჯოლაში, სოფლის მეურნეობის სამინისტროს მაღალი რანგის მუშაკი ჩამოვიდა. სტუმარს, დარგის მთელი ელიტა დახვდა და ყანებისაკენ გაუძღვა. კაცი „გალსტუკში“ იხრჩობა, აქეთ-იქით ვავატარებთ სავარგულების ნაპირებზე და შემდეგ კარგ მაგიდას მივუხსდებით „ღვინისძიებაზე“— იფიქრეს მასპინძლებმა. ამის ფიქრში არიან და აიკარნახა სტუმარმა შარვლის თათები, მოიხსნა ჰალსტუხი და ნაპირებზე კი არა, შიგ ყანაში დურთა თავი, მანამ არ გამოვიდა უკან, სანამ ძირითადი ფართობები ფეხი-ფეხზე არ შემოიარა. ერთი სიტყვით სიქა გააცალა მასპინძლებს, რომლებიც ცხადია სტუმარს გვერდიდან არ მოსცილებიან.

შუადღე რომ ნამოვიდა, გვეყოფა ახლა, ურიგოდ არ გიმუშავნიათო ჩა-

მოსულმა და გაღვიტული ჩაჯდა მანქანაში. სად წავიდოდნენ გვარიანად მოშივებულები თუ არა რესტორანში, სადაც მასპინძლებს წინასწარ ჰქონდათ თადარიგი დაჭერილი და კარგ სუფრასთან ერთად რაიონის სიმღერის გუნდის წევრებიც ჰყავდათ მიყვანილი. ამ უკანასკნელთ, პატარა თამამად რომ ვიყოთ, მიურთმევიათ სადილი და ღვინოც კარგა გვარიანად დაუყოლებიათ ზედ.

ლუკმა არ ჰქონდათ გადაყლაპული, კვების ობიექტში სტუმრების შესვლა და... ეგრევე დასჭექეს სიმღერა „მასპინძელსა მხიარულსა“... არ გაუვლია ცოტა ხანს და ახლა მრავალჯამიერი დააგუგუნეს, ისე შევიდნენ როლებში, რომ ვილა აჩერებთ.

აქეთ რესტორნის დირექტორი მიეახლა მოსულთ, პურ-მარილით დახუნძლულ მაგიდასთან...

კიდევ რა მოგართვათ, რას გვიბრძანებთ ბატონოო, შეჰკადრა რაიონის სტუმარს იმერული თავაზით. რას და ეგ მომღერლები გაიყვანე სადმე, ისეთ ადგილას დასვი, მაგენის ხმა არ გავიგონო აქანაო.

„სოფელში ვარ თუ ლასკალაში“...

ცივი ომის პერიოდში უცხოელების ჩამოსვლა იშვიათი ხილი იყო და როცა თბილისის პოლიტექნიკურ ინსტიტუტს ამერიკელი მათემატიკოსი, ჰარვარდის უნივერსიტეტის პროფესორი ტომი დელილო ესტუმრა, ლამის მთელი თბილისი შეიძრა. რა არ აჩვენეს ტომს, ფეხი-ფეხზე შემოატარეს კულტურული ძეგლები, სხვა სანახავი...

ძალიან მომწონსო ქართული პოლიფონია, სოფლის ცხოვრებასაც მინდა გავეცნო და თუ სადმე ასეთ ადგილას წამიყვანთ დიდად დამავალებთო სტუმარმა. უკეთეს ადგილას სად წაიყვანდნენ თუ არა ჩვენს რაიონში, კერძოდ, სოფელ ღვანკითში. მით უფრო, რომ ამ ინსტიტუტში სიმღერის გუნდის ლოტბარი ღვანკითელი იუზა კუბლაშვილი იყო, ხოლო მისი ძმა მურმანი ამ სასწავლებლის მათემატიკის ლექტორი.

სოფელიც გააცნეს, ღვანკითლებმა სტუმარს ისეთი სუფრაც გაუშალეს ჩიტის რძე რომ არ აკლდა. მაგიდა რომ შევიდა ემხში, სოფლის სიმღერის გუნ-

დმა, რომლის შემადგენლობაში ძირითადში თითქმის ყველა კუბლაშვილი იყო, მათ შორის ცნობილი საოპერო მომღერლები ვაჟა და გურამ კუბლაშვილები, ისეთი ტკბილი ქართული სიმღერები დააგუგუნეს, სტუმარი ფეხზე ამდგარი უსმენდათ და თავისებურად აყოლებდათ ხმას...

აღტაცებული ვარ თქვენი სტუმართმოყვარეობით, თქვენი სიმღერებით და ჩემის მხრით მინდა კლასიკური ნაწარმოები შემოგთავაზოთო, სტუმარმა. ესა თქვა, ფორტეპიანოს მიუჯდა და ერთ-ერთი არია შეასრულა კიდევცაბა, ბიჭო, კლასიკურის „კლასი“ ვარვენოთო ტომს, გადასძახა ვაჟამ გურამს და წავიდა არიები სოლოსა და დუეტში ცნობილ კომპოზიტორთა ოპერებიდან...

გამაგებინეთ სად ვარ, სოფელში თუ „ლასკალაშიო“—ხელებს შლიდა გოცებული სტუმარი და ცრემლებს ველარ იკავებდა სიხარულისაგან.

ი. ირაძე

სწავლა-მოსწავლეთა



გაზეთი „თერჯოლა“ ახალი სასწავლო წლის დაწყებასთან დაკავშირებით გთავაზობთ კროსვორდს „სწავლა მოსწავლეთა“. ეცადეთ რაც შეიძლება სწრაფად მოახერხოთ მწერალ-განმანათლებელთათვის განკუთვნილი უჯრედების შევსება.

კროსვორდი ადვილი შესავსებია—შეეცადეთ დროის მცირე მონაკვეთში მოახერხოთ ეს.

კროსვორდი

1			ს							
			2	წ						
			3	ა						
		4					3			
5							ლ			
			6				ა			
			7			მ				
			8			ო				
			9			ს				
						10	წ			
						11	ა			
		12					3			
13							ლ			
			14				ე			
						15		ო		
						16		ა		

პასუხები: კლდიაშვილი. ნივინი. წერეთელი. ყაზბეგი. ერისთავი. გოგებაშვილი. გამსახურდია. იოსელიანი. რუსთაველი. დედაენა. ჭავჭავაძე. ვაჟა-ფშაველა. ბარათაშვილი. ტაბიძე. ასათიანი. დოდაშვილი

მინიატურები მოსწავლეთათვის

- ქართული ენის სინმინდე მთის ანკარა წყაროს ჩამოგავს;
 - რუსთაველი? ვაჟა-ფშაველა? გალაკტიონი? აბა, რა, მაგრამ... ვერ იქნებოდნენ, თუ არა, ქართული სიტყვა!
 - კალამს რასაც უბრძანებ, იმას დაგინერს—სულს ვერ უბრძანებ!
 - სწავლა არის მოსწავლეთა უპირველესი მისია!
- რადგანაც, სწავლა ცხოვრების დასაწყისია.

ერთადერთი შეკითხვა უმცროს და უფროსკლასელებს

რედაქციაში ან გაზეთის ფეხბურთელებზე პირად შეტყობინებაში გამოგვიგზავნეთ ლაკონური პასუხი კითხვაზე — რა გიშლით ხელს კარგად სწავლაში? (ყველაზე საუკეთესო მახვილგონივრულ პასუხს გამოვაქვეყნებთ).

სიტყვები...

სიტყვები გვახარებენ, გვაოცებენ, გვიამბობენ... გრამატიკულ (სალექსიკონო) ენაზე სიტყვა არის ბგერათშეერთება, რომელსაც ლექსიკური (სავნობრივი) მნიშვნელობა აქვს... თხოვნა მკითხველს: დაასახელეთ ერთი ჩვეულებრივი სიტყვა, რომელიც ფართოდ გამოიყენება ჩვენს ყოველდღიურ სასაუბრო ენაში, მაგრამ ხშირად არჩენს ეჭვს, საორჭოფოს ხდის ამა თუ იმ მოსაზრებას ან გადაწყვეტილებას, ანუ, როგორც ვიტყვით ხოლმე—„ცივი წყალს ასხამს“ რაიმე იდეის განხორციელებას. მოგვწერეთ რომელია ეს სიტყვა.

ნუგზარ გამყრალიძე

თათა დიაკონიძე

დიდი მწუხარება დაგვატყდა თავს თათას ტრაგიკულად გარდაცვალების გამო. ძნელია ამ დროს იპოვო სიტყვა, რითაც ვანუგეშებთ მშობლებს, ოჯახს და ახლობლებს...

უფალს ვთხოვთ დაგიმკვიდროს სასუფეველი იქ, სადაც მართლნი განისვენებენ ჩვენო ნაადრევად ჩამქრალო, სიცოცხლეზე და ოჯახზე უზომოდ შეყვარებულ, თვალებბრიალა გოგო, ვუსამძიმრებთ შენს გაუბედურებულ ოჯახს.

ზედა ალისუზნის საბავშვო ბაღი

გაზეთ „თერჯოლის“ თანამშრომლები იუნყებიან, რომ გარდაიცვალა **ნიკოლოზ ქოჩიაშვილი** და სამძიმარს უცხადებენ გარდაცვლილის ოჯახს.

უახლოესი მეზობლები სამძიმარს უცხადებენ ოჯახს ექიმის, **რაიზო კუჭალაძის** გარდაცვალების გამო.

ახალგაზრდები საქართველოს მომავლიდან სახელმწიფო ასპროცენტიანი გრანტის მფლობელები



სერგი არაბიძე—ჩხარის №1 საჯარო სკოლა. ჩაირიცხა ქუთაისის საერთაშორისო უნივერსიტეტის კომპიუტერული მეცნიერებების ფაკულტეტზე. ოქროს მედალოსანი.



ნინო ამირანაშვილი—ჩხარის №1 საჯარო სკოლა. ჩაირიცხა ქუთაისის საერთაშორისო უნივერსიტეტის კომპიუტერული მეცნიერებების ფაკულტეტზე. ოქროს მედალოსანი.



ანნა ფართლაძე—ჩხარის №1 საჯარო სკოლა. ჩაირიცხა ქუთაისის საერთაშორისო უნივერსიტეტის კომპიუტერული მეცნიერებების ფაკულტეტზე. ოქროს მედალოსანი.



ანა ცხადაძე—კერძო სკოლა „მზეკაბანი“. ჩაირიცხა თბილისის თავისუფალ უნივერსიტეტში. მართვა და საზოგადოებრივი მეცნიერების ფაკულტეტზე. ოქროს მედალოსანი.



მარიამ ქონიაშვილი—თერჯოლის №1 საჯარო სკოლა. ჩაირიცხა საქართველოს უნივერსიტეტის ბიზნეს ანალიტიკის ფაკულტეტზე. ოქროს მედალოსანი.



თიკლა ბრეგვაძე—თერჯოლის №2 საჯარო სკოლა. ოქროს მედალოსანი. ჩაირიცხა ივანე ჯავახიშვილის სახელობის სახელმწიფო უნივერსიტეტში, საერთაშორისო სამართლის ფაკულტეტზე.



ნინო აბუანაძე—ახალთერჯოლის საჯარო სკოლა. ჩაირიცხა ბიზნესისა და ტექნოლოგიების უნივერსიტეტის საინფორმაციო ტექნოლოგიების ფაკულტეტზე. ოქროს მედალოსანი.



თორნიკე ცერცვაძე—ქვ. სიმონეთის №2 საჯარო სკოლა. ჩაირიცხა ქუთაისის საერთაშორისო უნივერსიტეტის მენეჯმენტის ფაკულტეტზე.



ნიკა კუტალაძე—ძვერის საჯარო სკოლა. ჩაირიცხა ქუთაისის საერთაშორისო უნივერსიტეტის კომპიუტერული ტექნოლოგიების ფაკულტეტზე. ოქროს მედალოსანი.

<p>შპს „თერჯოლა“ გამომცემელი მთავარი რედაქტორი ვალერიან გოგიაშვილი დავით კლდიაშვილი 599 92 49 75 599 91 24 14 სარედაქციო კოლეჯია რეგისტრაციის №53/5/ზ-22 გამოდის თვეში ორჯერ</p>	<p>კორესპონდენტები: ნ. გამყრელიძე—555 78 08 55 ი. მარუაშვილი—0(491) 22 15 16 ჟ. ცხადაძე—558 90 82 55 მ. ცქიფურიშვილი—555 28 11 41 ელ-ფოსტა: gazetiterjola@gmail.com</p>	<p>აიწყო და დაკაბადონდა რედაქციის კომპიუტერულ ცენტრში მისამართი: ქ. თერჯოლა, კოსტავას ქუჩა №2 დაიბეჭდა ქუთაისის შპს „ხომლი ენ“-ის სტამბაში ქუთაისი, ჭავჭავაძის გამზ. №33</p>	<p>ჩვენი რეკვიზიტები: „ლიბერთი ბანკი“ LBRTGE22, ანგარიში GE32LB0113133960124000 ს/კ 231948872</p>
---	---	--	--